

四庫全書

集部

欽定四庫全書

御製詩五集卷八

古今體七十六首

甲辰八

留京辦事王大臣等奏報得雨詩以誌慰

北省胥霑澤京師佇喜音隔朝奏章至六寸沐膏深

昨初

九日劉我明興等奏到直隸山東各府屬於閏三月初
四五日各得雨深透本日又據留京辦事王大臣等奏
報京城於初四日午刻微雨飄灑未刻漸加綿密至亥
刻方止入土約有六寸等語京師晴霽稍久望澤正殷
得此甘雨霑濡麥苗得資暢茂大禾黍耕方起麥薊獲
田正可乘時播種聞之實深欣慰

可堪

天恩遐邇被益慰益虔欽

雞鳴寺口號

雞籠此日換雞鳴

雞鳴山舊名雞籠在江寧府城東北又名雞鳴埭

千古何曾

有定名調御丈夫破顏笑六朝久矣幾凡荆

觀象臺

雞鳴山巔觀象臺元明以來所舊有明至永樂北遷都

元主中原寶弗久則此觀象徒虛名挈壺家法無人守

惟我

聖祖巡江寧臨茲卽境懷敬授叶爾時扈從多儒臣

爰咨有知天文否獨

宣光地李載載論參參

明示其先後恭閱

皇祖實錄康熙二十八年二月
駐蹕江寧幸觀星臺召諸

臣問有知天文者否因問掌院學士李光地古參今
為參其理云何光地奏未曉上曰以儀器測之

參宿至天中確在宿之
先觀此足信今之不誤儀器據實斥空言郭守敬法

誠為醜法言恒星天亦動但其動微耳上曰郭守

欽定四庫全書

卷八

敬儀器不可行於今由不知恒星天動故也自來史誌
歷法類空言無實如熒惑退舍之說天象垂戒理則有
之若果退舍後來以何積算上又歷指三垣星座
問光地不能盡舉上指示從官歷歷明晰尚書張
玉書圖訥等皆欽頌聰
明天縱非臣等所能仰窺云
江寧合見老人星

正關史稱徵仁壽

星

上又披小星圖指南方近地大
諭諸臣曰此老人星也光地

奏據史傳謂老人星見天下仁壽之徵上曰
以北極度推之江寧合見是星此豈有隱見也
以後
放勳

第一人自媿未能承

善誘

精蘊諸書實為萬世法
皇祖於天文算法貫徹古今
惜予逮事

御製數理
皇祖時

年甫十二未獲親承
因命皇子皇孫輩習之茲訓示至今為愧
頗有通曉者

遊清涼寺

何山不清涼而此山獨占五臺亦有之新舊原易勘

江寧

清涼山在府城西北上有清涼寺本吳之興教寺也唐
為清涼道場宋為清涼廣惠寺是清涼之名始於唐也
至五臺山亦名清涼寰宇記稱五臺山在代州道經以
為紫府山內經以為清涼山又華嚴大疏清涼山即五
臺山夏無炎暑故曰清涼五峯聳出故曰五臺
云云道藏釋典均有是山其得名較此為舊云然胥同

幻名久近何須驗山名既屬幻寺名益觴濫而在茲言
茲雲林喜蒼淡靜室小憩坐藉用消塵念

寄題掃葉樓三疊舊作韻

掃葉當年誰號樓爾時興想湛乎秋吾因絜矩於克己
一點弗留方寸頭

朝天宮

宋時天慶宮朝天明季易總以居羽流世改地無革然
思朝天義蓋謂飛雲烏流鈴與擲火鬱羅謁有赫天在
人人心對越匪朝夕夫豈藉黃冠綠章達心赤

江寧行宮八詠

勤政堂

前殿三楹為咨政覲接之所御苑山莊之以
勤政題額者甚多茲時巡莅止亦以是顏之
於展義尤協

祖訓由來勤政先在宮時邁總應然深居肯祇構清詠
引見除官取衆便昨駐蹕江寧凡江省地方文武員弁
有應行遷授赴京引見者即就近命
行在吏兵二部帶領引見
以免其長途往返之勞

鑑古齋

在勤政堂後庭中海棠四本扶疏古致憩息之餘畢然遠念不勝殷鑒之思焉

事當鑑古亦其常即境題齋敢不覆豈必六朝舉往蹟

近看明代此興亡

洪武興於此福王滅於此天命無常吁可畏也

鏡中亭

斯亭峙水中央南北接以曲折畧約澄光漾影宛在鏡中行也

淥水中亭號鏡中旃摩弗藉照恒空妍媸自取都無我

此是人間最大公

彩虹橋

鏡中亭南北邈迤雙橋卧波飲練不啻太白

詩中畫意

曲折雙橋接水亭朱欄倒映綠波渟試思何以彩虹號
閃影波翻無定形

塔影樓

池北有樓登眺近遠諸景在目宋熙寧賜名

普照寺中鐵塔歸然影落窻牖間因以名之
拾級登樓納遠景巍然塔影入樓窻曰空曰色如何判
此際惟應萬慮降

聽瀑軒

庭下瀑水潺潺跳珠濺雪聽之儼有匡廬天
台之勝正不妨即寓全提爾

平池亦復有高低濺石為聲韻各携此是八音繁會霞
不齊中自有其齊

綠淨榭

園東偏虛榭三間周匝琅玕萬个綠陰入座
几榻生涼渭川千畝斯得其槩

密圍敞榭令人遠暫坐翻因意與遲最愛琅玕初過雨
雲棲重拂露珠垂

判春堂

室前芍藥欲開古梅早謝乘春時邁之意固
在彼不在此也

庭梅結子藥欄開
判斷春風著意催
八景往年都頓置
七言促就蹕將迴

金陵詠古

鍾山

使吳諸葛識形勝
首曰龍蟠於此間
大帝避名改號蔣
至今人祇說鍾山

石頭城

六朝建業廢興幾
據要多先趨石頭
過後巖城無一事

漠然江介閱春秋

長干里

長干妓院盛前明翠柳輕煙尚有名體恤不應殷至此
長干里為前明妓院明初設立官妓以供朝覲人員
及應試士子遊燕陪侍以此示體恤實大乖政體也
淫豈足示章程

古新亭

晉代新亭今古新勞勞閱盡古今人從容安石真風度
笑指郗生入幕賓

烏衣巷

南去秦淮朱雀橋
橋頭有巷久名標
風流王謝烏衣處
聲^上歷晉還稱至宋朝

邀笛步

盛傳邀笛近青溪
放浪寧須句屢題
爾日偏安運非泰
諸人何事樂如迷

華林園

南朝佳勝說華林
未見民艱處會心
或擬濮濠或列肆

至今蹟總不堪尋

樂遊苑

擲比荆榛蔓土邱
山南城北蹟難求
劃江南北已分界
何暇於斯為樂遊

鳳凰山

大鳥永昌里集
曾元嘉遂以詡
休徵真乎已
遜漢宣帝
廿五年凡八見能

何點宅

何點當時欲遁名至今故宅尚傳聲
野梅依舊荒荆畔
枯苑儻來不繫情

同泰寺

梁武於斯三舍身欲人贖已濟僧
貧藉人之利脩己福
佛便無嗔應亦嗔

澄心堂

舊傳佳紙擅堂名玉版之間有尚卿
逸少時原無此製
不妨五字貴如瓊

江寧旋蹕駐棲霞之作

駐蹕三朝諸務成

如引見閔武諤明陵考士之類

言旋恰值朗新晴未

能民意初無戀詎可神情畧有縈潤野農功過雨好棲
霞山景向人迎前斯劇熱今薄冷時節何曾有定衡

慧居寺再疊乙酉韻

輕輿趁曉陽古寺徑知常是日弗多路

是日自棲霞至龍潭未及三十

里便迤至寶華小慧居寺一遊

遊山到上方佛居無住處僧食有緣糧

却守毘尼律殊非棒喝場以斯勤本分亦可度流光小

憩還行館松陰鞭緩揚

留京王大臣飛報得五代元孫之喜詩以誌意

飛章報喜達行軒

十二日駐蹕龍潭行館留京王大臣等由六百里馳報本月初八日望曾

孫奕純慶得皇元孫之喜具摺稱賀

歡動中朝及外藩

予得五世元孫實自古帝王罕有之

盛事一時扈從王公大臣及外藩蒙古王公等下逮官員人役聞之無不額手歡忭同聲頌慶

曾以古

稀數

上聲

六帝何期今復抱元孫百男周室非五代三祝

堯封是一言耄耄人多茲鮮

上聲遇

世之登耄耄者甚多而五世一堂則所鮮

觀予今年古稀有四已得五代元孫實為我國家萬禩雲初之慶

上蒼眷佑如此優渥予惟日益孜孜勤

政愛民以
期仰副耳
獲茲惟益凜

天恩

渡江至金山

金陵巡蹕迴金山行館駐往還纔月餘韶光暗中度落
地有紅英依巖多綠樹流陰迅若斯陶侃語弗誤然自
太古來江天宛如故

題蘇東坡玉帶三疊舊作韻

竟與山僧忽若遺有為法却寓無為棄如敝屣契真偈

藏以華箱究假儀

蘇軾玉帶留與佛印鎮金山寺者後遭回祿缺數版壬午南巡時曾為補

足製匣仍弄鎮山門云

印老徒稱其語勝蘇公應悔此名垂黷然

自笑茲拈句於不宜中增不宜

太古堂題梅

山堂別一區迴據山之陰是日有餘暇因而偶復尋古
梅植中庭花謝葉已森我欲寫其貌惜無貌可臨咄哉
此言失執象寧知音試看枯寂中圈圈點點心

過江至天寧寺行宮即事書懷

問夜金山曙景鋪陽侯靜穩渡江艫老攀幼戀憐誠有
聖水靈巖耽本無瞥眼風光逾一月塵心民物永三吳
南巡六度禮斯藏佑謝

神明敬感俱

迴蹕於大觀堂得句

觀我觀民義早申

朱注釋觀之九五謂不但觀身之得失又當觀民德之善否是分為二矣

予意九五為君象君與民原一體民之治亂係君之得失休戚本相關未有民失其生而君得安其生者詳見
昨題大觀堂詩按語今觀迴蹕以南巡風恬浪靜渡靈瀆綠重紅

稀尚閨春北省幸霑膏澤遍

連日留京王大臣及直隸山東河南各督撫俱陸續

奏報得雨深透至盈尺不等

元孫適獲喜音新

昨留京王大臣馳報皇曾孫奕純得五代

元孫之喜因賜名曰載錫斯來未負時巡義自審惟增勵悚寅

篠園詠芍藥

篠園遠為趣葯徑瑞蕪稱

是處為邗江廿四景之一名曰篠園花瑞圃多芍藥已半開

未免猶時態

花藥佳矣而曰瑞則涉俗

偶來因興乘餞春風度逸

芍藥富麗

雖不及牡丹而逸乃其所長

迎夏露光凝得句還前進平山約我曾

題趙令穰江南春圖即書以賜篠園珍弄

江南春閱遍寫照遇王孫將欲發行舫訝欣對憩軒

是日

篠園遊憩
見此卷

花明偏暗柳神契可忘言題什弄原霞溪山

永靜存

再遊平山堂

舟依柳岸行行近輿指松巖款款登策馬而今慙畧少
觀民於昔倍為增幽探適遇其何戀拙速由來我所能
笑指綠疇麥芄霰是前度為

去聲

爾愁曾

昨過

維揚

正在

迴蹕

則雨已透足麥疇芄
蔚比前此大改觀矣

題馬和之周頌圖

學詩堂記早成吾十二和之真蹟臚

乾隆庚寅歲集內府所藏宋高宗及

孝宗書詩經馬和之畫圖十二卷弄之學詩堂都為一筭各系以跋詳見御製學詩堂記

已是空前

無別望誰知繼後有同符適迴江國南巡蹕恰得馬家

周頌圖

甲辰南巡迴蹕復於維揚得馬和之畫閨子小子之什一卷宋高宗書詩與前十二卷筆意宛

肖分而復合實為藝林增一段嘉話也

即境哀時甘雨足敬之匪懈敢忘

乎

過金灣六閘書事

書事已詳庚子詩

壬午南巡時親臨高堰酌定視山盱五壩水誌豫開清口東西二壩以洩

湖水為釜底抽薪之計其五壩封土不令輕拆詳見庚子書事詩

總因民瘼別疏施定

其水誌於清口免以潦侵及下陂

清口水誌既定五壩不令輕拆自壬午以

後下河得免水患連獲豐收職此之故

戊戌竟仍開五壩其秋幸早獲如

茨

戊戌年因儀封決口黃水由淮入洪澤湖宣洩不及不得已始啓山盱五壩歸之高寶諸湖又以次開南

闕車邇諸壩歸之下河幸其時下河早禾已收晚禾補種無多未成大災然可一不可再惟虔祝神佑永保

安瀾堅閉五壩又此南關等壩為長策耳

雖然可一不可再虔祝安瀾後莫

為

山西巡撫農起奏報得雨詩以誌慰

仲春得雨滋二寸

先是農起奏報山西省城於二月二十一日密雨入地二寸有餘其山徑

高寒之竅積雪一二寸並據各府州申報同日得雪土脈頗為滋潤

春閏茲稱深透

茲據

農起奏報太原省城於本月初四日得雨八寸又於初八九日密雨晝夜不止十分深透並據太原遼州等九府十州暨歸綏道屬稟報於初四五六七等日得雨自四五寸至七八寸及深透不等高下田疇同時透足麥苗長發暢茂稞糧等項亦皆播種齊全農民咸深歡慶等語晉省雨澤較山東河南等省尤為霑足實堪欣慰

迤北向南麥將穗高原下隰黍抽尖較之齊豫澤尤渥
覘以黔黎氣倍恬屢接邇來佳信報慰祈年望敬增添

過車邏壩

卅年黃北決洪澤復流微

辛丑秋河決北岸之青龍岡漫水經由東省金鄉魚臺等

霰三數百里間蕩漾澄清至南陽昭陽徽山三湖即係清水下注邵宿桃清運河出楊莊口門歸海并將駱馬

湖牯壩開放由劉老澗下注六塘河歸海又開徽山湖下之顧家莊等引渠分洩盛漲恰值洪澤湖水勢平穩得保安恬五壩連年封閉故下河秋穫屢豐

五壩歲連固下河秋穫肥未能

胥績底益用慎民依救弊補偏耳孜孜勅萬幾

題馬遠板橋踏雪圖用巴顏布哈題什韻

天雨六霰可為粟積素滿巖溪繞曲河中寫出浩然趣

略約踏過深見木題者能畫復能詩蒙古豈無人中玉
按是圖有巴顏布哈題什署款云伯顏不花元本蒙
古人謂富為巴顏謂健牛為布哈其命名以此彼時
漢人不通蒙古語妄意音譯甚至有心譏訕昨題巴
顏布哈古壑雲松卷已為辨正其訛茲復得是卷題
什益見沿訛襲謬雖本人署漢名有不得不因陋就
簡者因復為訂正並識

陝西巡撫畢沅續報得雨詩以誌事

三月中旬普被澤

先據畢沅奏報三月十四五日得有雨雪入土約五六寸其近省各屬亦

據報同日得雨等語

閏春復報雨霑靈

茲據畢沅奏陝省自三月中旬得有雨雪後天氣久

晴因虔誠祈禱西安省城於閏三月初四五等日復得雨至初八九日大雨滂沱連宵達旦入土十分酣足

旋據各府州稟報同日均霑霰霰深透覽奏深為欣慰

定知麥穗資飽滿更喜禾

苗勃綠青災後延綏憐鵠面接欣麋豆救鳩形

畢沅又奏稱親

赴近郊察看麥苗正當出穗得此透雨倍加充實禾苗亦勃然長發至延榆綏三屬災區得蒙渥澤可冀轉歉為豐實深欣幸等語

漫稱轉歉為豐幸西望吾民意未寧

洪澤湖六依

皇祖詩韻

高堰培高並補虛輒教易石命為徐

庚子南巡迴蹕渡黃臨視高堰及清

口東西壩工據薩載請將三堡六堡等處卑矮輒工加高余以輒工不若石工經久因命再行確核不惜帑費

一例改建石工逐段分年脩築以期永遠安瀾嗣據薩載奏先將急脩各工於四十六年春間辦竣其次脩緩脩各工亦於四十八年五月通工一律完竣共
用工料銀三十三萬餘兩次第徐脩石工胥歲今來歷

閱工胥歲慶慰吾民徼禹魚

閱接築高堰隄工

輒工不若石工堅改築曾教庚子年

庚子南巡迴蹕閱高家堰工據薩載

請將三堡六堡等卑矮輒工加高余以輒工不若石工經久因命改建石工不惜多費帑金分年脩築以資鞏固茲一律加高培厚改築完整既以衛民兼因代賑瀕河州縣庶冀永遠安瀾云 培厚加高一

律鞏衛民代賑兩謀全亦云救弊補偏耳恒念有孚勿

問焉

易益卦有孚惠心勿問元吉向嘗釋勿問謂加惠於民不問其感德與弗感德以視歷來釋經者謂

加惠於民不問可知為元吉之解較為切實

固堰可重隄不可當年

聖訓實昭然

按高家堰為黃淮關鍵淮揚各府藉資保障恭閱

皇祖實錄康熙三十一年十一月工部議覆靳輔高家

堰加築小隄一疏

皇祖諭曰承受洪澤湖大水全惟高家堰是賴將高家
堰之隄築之使其益堅則可其外築一小隄有何益
哉倘高家堰之隄衝決則一小隄能禦之乎此皆漸
輔執其向時意見而行之也先是二十六年漸輔請
於高家堰外另築重隄

特命廷臣會同地方大吏履勘又下九卿詳議罷其事
茲復請加築小隄仍即曩時重隄之見膠執於中是

以

聖訓委曲申諭祇宜固高堰捍障淮湖不宜加築重隄也繼復

命大學士張玉書刑部尚書圖訥二人察視加脩高家堰工以期永遠堅固雍正八年

皇考以治河之道必須保固高堰隄工使清水力能敵黃發戶部帑金一百萬兩將隄工險要單薄處加脩石工為永遠之計余昨庚子南巡飭督臣薩載將三

堡六堡舊有軌工改石補高培厚凡皆推闡

聖謨歷巡指示堅築高堰之

訓諭以期金隄鞏固淮揚數郡得保安全因閱高堰接

築隄工謹識如右

六依

皇祖閱河隄詩韻

戊子丑三決

戊戌秋河決儀封南岸之時和驛至庚子春合龍是年夏又決睢寧之郭家渡至秋

合龍辛丑秋又決儀封北岸之青龍岡

殷憂切在宮詳籌新路徙

豫省青龍岡屢

經堵築功敗垂成因降旨詢問大學士阿桂等於上遊南岸相度形勢為改絃更張之計據奏履勘得上游蘭陽三堡至商邱七堡一帶南岸添築大隄內開引渠俾大溜由此掣歸故道入海等語隨勅大學士九卿等詳議欽同降

遠遣本源窮

壬寅春因青龍岡合龍未就命乾清門待衛阿彌達告祭河

神務窮河源據奏窮至星宿海西南三百餘里得一河名阿勒坦郭勒蒙古語為金河其西有巨石名阿勒坦噶達素齊老蒙古語為北極石其上為天池流泉百道皆作金色入阿勒坦郭勒實黃河真源也

幸底

蘭陽績

癸卯春開放蘭陽引河據大學士阿桂奏報三月初一日開放引河奔騰掣溜十三日辰刻蒞

河斷流十四日金門合龍棄北取南

兼資海口通

自癸一舉歲工實荷天佑神助也

開放新河大溜東注直達海口一律深通蓋緣前歲黃水漫口時由山東金鄉魚臺一帶漫注微山湖入運至

清黃文瀝以下節次澄清歸海均係清
水是以比較往年冲刷寬深尤為暢順
河臣最敬慎毋

恃此成功

陶莊

河神廟瞻禮

庚子儀封壩合龍

顯佑殊

儀封自戊戌決口至庚子南巡渡黃時尚未合
龍二月初十日展謁陶莊河神廟虔誠祈禱

十一日儀封兩壩即自行合龍不三四刻立見斷流
實由河神顯佑非人力所能到詳見庚子河復記
蘭

陽癸卯口故道順流趨

青龍岡自辛丑決口亦久未合
龍因命大學士阿桂履勘上游

於蘭陽商邱一帶添築大隄內開引渠壅溜歸故道
入海癸卯三月開放引河一舉蔽工又賴神助也彼
此胥

神貺虔誠謁

廟模北冊會清遠

昨冬據薩載奏黃河形勢於郭家堂
老灘正在挑挖引渠間仰邀神佑

乘勢塌寬全河大溜北向取直歸中自係善機因傳諭
該督及河臣等於南北河灘嚴禁私築隄堰致礙水道
俾河流暢順民生均資利益昭事益欽吾

題仇英虎邱圖

實父名傳以工緻於工緻具古為難訝斯可謂淡而穆

急切莫尋倪與端水陸嬉遊胥自得李

昭道

王維家法有

兼殫即今展幘一迴憶境及畫圖不二觀

盛京將軍永瑋奏報得雨詩以誌事

盛京風氣涼三月方舉趾近下澣得雨尚不為遲爾

盛京

節候較遲茲據永瑋奏報於三月十九日得有透雨正為及時

其日晉亦然數寸各屬

被

叶農起奏報晉省及各屬是日得雨自四寸至七八寸及深透不等

自西而至東迤

邐三十里

劉我奏十九日承德府得雨三寸永平宣化得雨一二寸至三四寸不等李奉堯奏馬蘭

鎮屬於是日得雨霑足是自西至東普被三千餘里可稱優渥是日巡蹕駐杭瞻禮上天竺默禱北省雨澤霽

感信有微矣

無不渥澤霑其零信靈矣實吾於天竺致禱之

期是浙省祈必應斯語熟聞耳近遠乃不較感應迅如此時膏利農耕不可無詩紀

過宿遷縣

春仲此度鑾潤野較齊好

二月間毓奇迎鑾北上奏進次桃源清河等處得雨入土

四五寸以近清

河桃

源界

雨雪已霑早

宿遷與清河桃源境壤相近春仲曾

獲畧霑雨澤

夏初斯旋蹕未能副望飽南膏弗及茲

三月廿三四等日

浙省甘霖大霑甚為透足薩載亦奏報蘇常江揚等府及上江之太平鳳潁各屬均於十四五六等日先後得

雨而宿遷一帶以近
北未獲復霑渥澤

北澤又離香

昨據明興奏山東各府屬於閏三月初四

五日均得雨深透而此地
偏南又未及一律霑被

舟行乃水路揚塵猶浩浩陸

地自旱乾綠苗行將槁切切為

去聲

望雨中心怒如擣一

隅有民人刻豈忘懷保

安瀾

龍王廟四疊舊作韻

子丑寅之歲連年三決河

庚子春時和驛決口甫合龍是年夏秋又決郭家渡張家

油房堵合後辛丑秋又決青龍岡閏壬寅至癸卯春始合龍

潰南輕下壑

時和驛郭家渡張家

油房均在南岸其浸水由賈魯舊河一帶下注雖於田廬不無淹浸其患尚輕

奪北重停渦

辛丑

所決之青龍岡乃在北岸恐水積沙停慮淤微山等湖並致奪運關係更重屢經堵築功敗垂成幸開蘭陽引

河始得底績云

幸得蘭陽引稍紓瓠子歌總緣叨

惠貺謹以謝經過

祖

考胥勤是覲揚當若何

奎文昭殿額

廟懸考御書額

皇

永佑願安波

賜河東總河蘭第錫

永定分司久素知慎且勤河東擢開府川奠冀成勲初

任原塵念所為果出羣

蘭第錫由永定河道擢為河東總河因初任尚屬塵念到任後

據陳修防事宜及奏請盡定隄旁餘地種柳護根並申禁近隄取土各條所奏竟有定見大慰朕懷因傳諭明興何裕城飭屬協同妥辦以收實效益當志黽勉副望俾予欣

陝甘總督李侍堯奏報甘省雨雪情形詩以誌慰

河西二三月雪澤已滋融更喜三月雨數寸霑河東閏

春之上旬省城澍雨濛

李侍堯奏甘省河西一帶先於二三月間連次得雪該霽田畝

因積雪春融渠水暢流足敷灌溉至河東各屬三月下旬亦陸續得有雨澤茲於閏三月初七八日省城澍雨沾灑濃陰密布雨勢甚寬河東種植較早清明前後麥苗均已出土早穀亦俱下種民情歡悅糧價中平等語

東候暖於西麥苗綠已芄大田均可種糧價平而中甘

省本瘠區近每春澤逢或因去貪吏

甘省往年無歲不報旱王亶望等藉以飽其慾壑折糧冒賑虧帑殃民自辛丑查辦以後積弊既清每歲春間連得雨澤或因慾貪除蠹仰感

天和慶蘇民困惟益深乾惕耳旋轉切

忼懽慶蘇溝壑民益惕宵旰衷

過伊河入運口

丁丑開伊河其勢尚未暢辛丑河北決洪波三湖放

丑辛

青龍岡漫口之水由金鄉魚臺下注南陽昭陽徽山三湖徽山居下游浩瀚愁倒漾

因大疏伊河冀洩滔天漲浸微山又居三湖下游滙為巨

運一由韓莊牖入運丁丑歲因湖水盛漲開此伊家河
長六十九里由韓莊牖下洩入運前歲壬寅因歷時既
久從前開挑時山根砂礮未能如式必須大加挑深方
資利益因命袁守侗先同何裕城會勘並命大學士阿
桂再行復勘籌定興工大加開挑於十二
月工竣比前更覺寬深湖水得暢達入海終屬補偏策

亟力闢砂礮叶幸今河復古運道原無恙過斯有餘暢

愧我無一當

柳泉

登陸至徐州途長逾百里大吏欲節勞中途行館起此
番重南巡禁工作有旨諸凡命依舊新營止此耳然亦
有軒堂有山復有水信宿之所費中人十弗止遐憶漢
文言惟增慙而已

荆山橋

丁丑過荆橋河過沙淤去路細

荆山橋東接邵隰西連
豐沛長三里許乾隆丙

寅年發帑重修至丁卯年告成丁丑南巡經過時因丙
子秋河決孫家集黃水經此入海橋洞一百五十九孔

欽定四庫全書

卷八

三

不足分洩其時水過沙傳
橋孔半多淤澱去路遂微
壬午過荊橋幸因無事麥浪

翠

壬午南巡時以劉統勳所築河北孤山新土隄成湖
河之水由孤山茶城等處經橋下東入運河幸獲無

事是以過荊山橋詩有漲波未至
春膏足且喜農民穫麥歌之句
乙酉過荊橋督責去

沙沙近積

黃河至徐州而窄河員每持束急易漲之說
聽漫水洩歸荊山橋以故河多淤埂微湖趨

下之勢不暢戊寅夏遣劉統勳相度議築河北孤山新
土隄黃流乃不旁溢湖水亦暢消無阻甲申春撫臣崔
應階請濬荊山橋乃命兆惠前來會勘添建新牖使湖
水暢流入運其疏濬荊山橋本為去沙淤計而工員同
省力沙弗遠運積兩傍幾與橋欄齊民因種麥田占河
身至十分之六彼時即不以為然有橋建苟非虛河疏
功乃捐二者必居一吾心實未
安之句詳見乙酉荊山橋記
占河十六同不疏仍以

獲麥陳大吏前年微湖漲水多長橋疏洩猶未利乃及

潘張兩引河歸黃聊救燃眉計

辛丑青龍岡漫口黃水下注由城武金鄉魚臺

等震蕩漾澄清匯歸三湖入蘭家山由荆山橋下注其時疏洩猶未暢利因命薩載等廣籌去路開挑潘家莊張家莊等引河分洩入黃又啓放駝車壩柳園頭一帶壩壩由漣河六塘河宣洩入海是以癸卯合龍後積水易消然又恐分洩太過復將臨湖各壩壩次第堵閉收蓄水勢以濟重運凡此皆隨時酌劑不惜帑項相機補救然終無一勞永逸之計也

即今河復此無藉更恐洩多謀堵閉荆

山過水仍如前酌劑相機豈惜費終乏一勞永逸策萬

目平成祗心愧

題黃樓五疊蘇東坡韻

庚子寄題當吟說未至徐州舟竟發其年因未值閏月

迴途期迫漿盪滑

庚子南巡未至徐州以其年無閏計程至五月初九日始迴蹕至京

北郊及廷試諸大典為期已迫不及親臨有寄題黃樓四疊蘇軾韻之作

徒遣重臣馳勘踏

王事豈惜勞靴襪

是年命大學士阿桂總督薩載同勘陶莊黃河及雲梯關外入海情形又

命尚書嵇璜同薩載勘徐州應添石工

周家莊至韓家山一律石工禦嚮

叩自周家莊石工起至韓家山靈神廟一帶凡四百三十丈地當徐城上游久擬一律接築石工至是不可

再緩因命嵇璜薩載等前往履勘興工以期永保安瀾不惜帑費也南北兩岸為次第乘

河未復興鑿鍾

丁丑壬午乙酉三次南巡均至徐城閱視其河南岸既添甃石隄而北岸土隄

自大孤山至蘇山則戊寅夏命劉統勳相度議築者茲庚子改築之韓家山石工四百三十丈據勘估砌石十

七層其接連山脚之二十丈地勢較高砌石十二層共估需銀九萬二千餘兩即令薩載等核實辦料次第接

築已於壬寅年大工告竣壬寅大工已告成萬戶安眠免驚殺今年

通閭有餘暇紆蹕重來叩龍刹况幸癸卯復故道商賈

往來鳴榔軋河南咫尺即徐城城上飛樓埤堥壓下臨

無地水流瀉平眺有屏山層鑿玉局險韻凡五疊拙速

篆煙消睡鴨詩成依例仍勒壁頗喜文光騰煜雪

題雲龍山行館

庚子徐州實未臨閱隄此重去聲舊途尋並山接築曾差

看

庚子南巡未至徐州因遣嵇璜薩載查勘周家莊至韓家山接築石工四百三十丈一律修整於壬寅年

已告工竣

易石蔽工此慰心別館雲龍憶昔駐大彭風物入

新吟拈毫會意於何是一瞬廿年仍碧岑

雲龍山詠古

龍使為靈斯曰雲好上聲山弗雨亦氤氲憑依信不可失

耳變化其誰所擅云放蕩底須述蘇蹟雄奇於是訝韓

文廿年面目依然我何有行知尊所聞

試衣亭四疊蘇東坡韻

欲解衣乎欲著衣猜東坡意立晴暉爾時行志未能也

想共山人

謂張天驥

羨鶴飛

題放鶴亭

靈士浙放鶴

林通

率欲視如子山人徐放鶴

張天驥

未定以

何擬率欲有為法未定無為旨以是相等度此似勝乎

彼重儻笑山莊

避暑山莊亦有放鶴亭故乙酉題雲龍山放鶴亭詩有我亦山莊聊仿作祇虞

欽定四庫全書

仙詩卷八

貽笑彼胎
仙之句

更不如林耳

大士巖

招提恒有廢興時
廢則蕭條興陸離
大士如如巖畔坐
廢興一切付無知

黃茅岡

同於生物殊於所

驛括東坡谷
張山人書

白葦黃茅荒瘠宜笑傲

岡頭千古韻此情寧許俗人知

蘇隄

城外荒隄跡可尋爾時太守愛民心輕風隨分去吹桃

聲

柳底論彭城及武林

賜河南巡撫何裕城

兩世豫州撫况隨父任曾

何裕城之父何翊任河南政
巡撫時裕城即隨任學習

方應所悉家訓夙常承莫謂已知可要當益勵仍河防

資協理

何翊長於河務裕城亦所夙習
豫撫亦有協理河務之責也

安晏福黎蒸

柳泉行宮八景

春靄堂

昨朝甫到頗無暇今日言旋適有閒遊目拈毫詠諸景

一堂春靄接卿班

是堂為行宮前殿駐蹕批摺向軍機大臣發旨及宣召地方大吏咨詢政

務之後方一
遊目諸景也

怡神室

樸楹五架額怡神

即寢室也

宵養於是契靜因曰靜於斯能

靜否片時念及萬方民

知依齋

所其無逸在知依行館幽閒首夏時親切民情盈蹕路

足衣食否為思之

水樂庭

東陽未至杭纔至

東陽杭州均有水樂洞東陽非蹕途所經杭郡水樂洞則甫在杭州經臨

題

水樂於斯又聽聲謾擬蘇詩舉再三

去

世間何事匪

虛名

鳴翠亭

翠流於目鳴聞耳目色由來即耳聲悟得色聲本無著

翠兮何不可為鳴

含漪館

澄鏡溶溶繞砌墀微風不動亦含漪設如畫舫相比擬
若水民情亦可思

俯綠墅

柳泉名以因多柳繞墅更多泉水披一綠雖然分上下
巧看聯接有長絲

漾影橋

月樣橫橋鏡樣溪假山斷續接長隄俯看影漾團團霞

七寶廣寒中覓題

命彭元瑞曹文埴檢四庫全書古來見元孫者有
幾據奏自唐迄明凡六人詩以誌事

五世元孫膝上珍

子為膝下至若元孫反當抱之膝上矣

檢茲有幾命儒

臣奏來詳悉翻四庫特出禎祥得六人

四庫全書載唐錢朗宋張燾元

吳宗元明羅恢歸璿文徵明六人皆以耆壽得見元孫

恰彼古稀帝同數

庚子年屈古稀

因查自三代以下帝王年逾七十者漢武帝梁高祖唐明皇宋高宗元世祖明太祖凡六帝然皆未親見元孫也

贏其家慶我饒臻如斯

天貺叨駢疊忍不救幾心愛民

昨因慶得五世元孫命彭元瑞曹文植檢閱四庫全書自古以耆壽得見元孫者凡幾人茲據奏三代以上不可考秦漢以後隋以前未有其人惟山堂肆考載唐錢朗南昌人仕唐官光祿大夫元孫數人皆以明經為縣宰年一百七十餘歲又周必大平園續藁載宋張燾饒州人孝宗時叅知政事年七十五見元孫一人又宋濂潛溪集載元吳宗元紹興人不仕年

八十八及見元孫舉觴為壽抱置膝上望者謂神仙
中人又明文衡載明羅恢吉安人永樂時官國子監
博士年八十二見元孫一人又明歸璿崑山人即歸
有光之高祖見有光集璿有高元嘉慶堂頤九和為
之記又明文徵明甫田集載戊午元旦詩有百歲幾
人登耄耄一身五世見曾元之句考徵明年九十有
元孫二人等語臣庶以耆壽得元孫者僅止六人帝
王中臻斯盛者尤未之前聞予叨膺

天貺嘉慶駢蕃若此惟有益深乾惕勅幾愛民以冀仰

答

昊蒼純佑耳

微山湖

辛丑河決北事較決南巨金

鄉魚臺

雖停沙清水艱他

去三湖以次漲微山下流所

辛丑青龍岡漫口之水匯歸南陽昭陽微山三湖而

微山湖尤居下流為衆水所歸汪洋浩瀚與運河連為一片

宵旰勅大吏亟力籌洩

路

叶辛丑壬寅因青龍岡漫口屢築未成降旨命薩載等查勘亟籌去路嗣據奏漫水由微山湖下注邵

宿桃清運河出楊莊口門歸海將駱馬湖竹簍腦先行
開放其餘各腦壩次第啓放洩水由劉老澗下注六塘
河歸海並開挑微山湖下之碩家莊等引渠分洩水
勢為一時權宜補救之計幸而運道河湖得保無虞然
猶異常盛丈深難計數

下游去路雖多而來源本大湖水猶異常盛漲測量深二丈三

四五尺不等

漕船有失事哀哉運丁苦沛縣竟頽城吾民受

悽楚為之切憂煎不靳賑恤普昨歲幸河復微湖潦消

屢

上年漫口未合湖河水勢相連漕船行走有被沉溺之事曾降旨將應賠米石全行豁免以示體恤至沛

豐等縣及山東之金鄉魚臺被淹最重而沛縣城垣竟致頽圯節經降旨撫恤並加恩將被水各州縣給予常賑俾災黎不至失所幸昨歲青龍岡漫口合龍河復故道積潦漸消居民於是始獲安堵翻慮消太

多濟運漸築堵

自昨歲三月漫口合龍後微山湖水勢陸續消落至八九月湖水止存一丈三尺

尺五寸已符往年定誌又當預為儲蓄因今薩載等將微山湖尾閘五道引河並運河中河各牆壩及蘭家山草壩乘時接築堵閉 緯道以次修濟寧以南運河兩岸收蓄水勢以濟重運 工程分作四十九段前據明典等奏過白露後隄岸均已涸露現在積料鳩工簽撥分土畚鍤雲集在事各委員及夫役等無不歡欣鼓舞踴躍從事所有隄岸各工均一律興修趕辦於春前完竣 往來利行旅乘勢在待時辦宜惟漏補敢言希平成悚慚不遑雲

過沛縣

我過沛縣境不見沛縣城移城向西北高霞謀久恒實

因壬寅潦追憶心猶怍河決青龍岡一片水鋪平埤塊

為之湮老幼為之驚嗟嗟我赤子忍弗救其生蠲租豈

待言賑饑縫遙情那論極次貧踰年周濟增

沛縣自辛丑九月猝

被豫省漫口之水下注將護城隄冲塌水由東北直入沛縣壬寅八月又因風大水湧城牆及衙署民房悉皆坍塌卽經降旨撫綏并加恩常予賑恤至合龍後復降旨展賑至癸卯六月又以該縣及銅山豐邳等州縣並山東之金鄉魚臺濟寧等處低地未能全涸復降旨再行普展賑五個月以資接濟即今河雖復

涸地已可耕慮其乏顆粒借種

上聲資經營

沛縣等低窪地方除展賑

外其災分稍輕地畝並諭令該督撫等酌借籽種俾得趕種春麥

舊城地本窪移建就

高坪

沛縣舊城地本低窪難以修復前經諭令薩載於沛縣境內各鄉履勘高地移建城垣嗣據奏履勘

得諒縣

西南三十里之成山地勢較高五六尺且南有

樓水隄

北有太行隄東臨疊路三面攔截可期永無水

患該處舊有村莊即為南關形勢亦甚聯絡因飭勉期

發帑委員分段承修

責成道府督催於昨歲脩建完整

閭閻安堵士民同聲歡忭

老幼來謝恩幸少鳩鵲形痛定思事前憐

之慙愧并

御製詩五集卷八

欽定四庫全書

集部

御製詩五集卷九

欽定四庫全書

御製詩五集卷九

古今體八十五首

甲辰九

運河

自從辛丑河北決踊愁為害無底止三湖雖未受沙淤

辛丑青龍崗河決北岸即慮淤湖阻運深以為憂不啻三谷五詢節據河東總河及山東巡撫奏報大溜由金

鄉魚臺下注蕩漾數百里漸次澄清至南陽昭陽微山三湖即係清水歸邳宿桃清運河出楊莊口門入海三

湖運河皆未受沙於澄剩清流盡歸爾微山湖更居下游與運連

成一片矣兩岸緯道及插壩多半弗見見惟水以此亟

求疏洩法不遺餘力不惜費

叶陽昭陽微山湖地勢更在南

中運河連為一片緯道半沒水中雖微山湖尾閘於丁丑年開伊家河一道長六十九里由韓莊插下宣洩入運但開挑時山根砂礮未能淨盡因命袁守伺何裕城等會勘並命大學士阿桂覆勘比前加挑寬深俾何裕水得暢達入運而運河東之駱馬湖竹簍等插壩多籌去路由劉老澗下注六塘河歸海更開挑微山湖下之碩家莊等引渠俾分洩入舊黃河
徽幸昨年河復故青龍
凡所以洩微湖之漲籌畫無遺
未合龍因於蘭陽商邱一帶另挑引河至癸卯三月開放十四日金門合龍河復故道兩載憂勤幸得一舉藏

事
徽湖下流去如駛舊誌蓄水丈二尺後存丈三多無

幾因之陸續兩岸露牯壩次第工興起本殊民修及官修亦是從來例如此灾餘民力那能茲一概發帑官修

耳昨夏命大學士阿桂等勘估自濟寧至韓莊三百餘里隄工五萬三千餘丈民堰五萬五千八百餘丈分別估修其民堰因此次被灾較重概發官帑修理以甦民困其韓莊大石工並上下牯座橋壩涵洞裏頭等工亦俱勘修復於大石工外估築臨河圈壩以便興築統計各工需銀五十五萬六千零兩據蘭第錫奏原派工四十九段除先修十五段外其餘均於去年八月普修趕辦又據薩載等奏去歲夏秋以來各湖消水最速微山湖現深一丈三尺較定誌應收之一丈二尺所多無幾又不可不早為儲蓄因查二十二年孫家集漫口合龍後積水至兩年始行消盡此次以廣籌去路是以積水易消今又恐分洩太過無以濟運因將各牯壩次第

堵閉收蓄水勢以濟重運茲來舟行穩順
絳道隄岸修復如故益信事在人為也
茲來絳道原

如故安福

名艦

中行平如砥却憶丁丑決孫集積水兩年

始消彼斯乃積多消反速事在人為本至理

命議叙薩載李奉翰蘭第錫何裕城明興等詩以

誌事

辛丑河北決踴懼為運患幸而沙漸停

辛丑河北決豫省北岸之青龍崗

黃水下注經由東省金鄉魚臺等處蕩漾
停淤水色幸已澄清運河免受淤墊之患
清水三湖漫

漫口之水匯歸南陽昭陽微山三湖
者均屬清水是以湖身亦不致於淺
微湖居下游洪流

實浩汗堤堰那能禦與運連成片癸卯河復故疏別督
籌辦所幸去路多消迅施工便濟寧至黃林兩岸工分

段微山湖在南陽昭陽湖之下游漫水灌注與運河連
為一片緯道半沒水中黃河一復故道即命袁守伺
何裕城等會勘伊家河加挑寬深俾湖水暢達入運復
命薩載李奉翰等籌勘去路將微山湖下游之顧家莊
引渠開挑寬深及駱馬湖各牐壩次第啟放分洩湖河
水勢俾運河兩岸得以迅速興功薩載李奉翰之功亦
不可泯後命大學士阿桂勘估自濟寧至黃林莊共重
修官堤五萬餘丈官修民埝一萬四千五百餘丈並牐
座橋壩涵洞等工分段派員購料雇夫優給價值即以
代賑自上年四月至本年閏三月一律完竣實用銀五
十三萬九千餘兩運道頓復舊觀茲御舟經過兩岸及
緯道橋壩牐座俱各堅實鞏固漕運民船均資利濟其

督工則蘭第錫何裕城明興董率有方在事人員
亦能奮勉出力因降旨交部分別議叙以示優獎
堤埵及牘壩次第胥修建和雇弗惜帑代賑功倍半何期一
年中運道復舊觀御舟茲經過如昔牽長絳不惟利漕
艘行旅普稱便勤哉大小吏優叙酬劬倦慙無安晏策
遑惜籌宵旰一勞盡我心永逸祈

天眷

涼

邇日頗覺涼作陰而弗雨望雲北尤重蔭豫連京輔或

胥沐恩膏報章却未覩我自渡河來川路風颺土覺旱

為

去聲

希霖宵旰心常憮迤南冀農登迤北厓民苦祇可

半收麥謾云遍種黍

黃河以北日來頗覺望雨大田雖已遍種而麥秋祇可半收較之迤

南實為不及惟日冀甘霖普沛耳

秀實時尚遠十日期空數

乘輿過濟寧州

清曉乘輿弗策驄古稀遵養合知崇家弦戶誦文風蔚

幼挈老扶物象融百歲熙和非易致萬民親愛不期同

那堪回首思辛丑

辛丑秋河決豫省青龍崗漫水經由東省之曹單城武金鄉魚臺濟寧等

處思及城池民居岌岌乎殆幸昨春河復今覽
閭閻無恙且涸出地畝轉為膏壤實出意外也幸矣斯
邦尚惕衷

登太白樓四疊舊作韻

綉旗旌旌入郭闔青蓮遺蹟向傳真千年佳話留詩酒
一代名流稱去聲主賓亭北早應賦雲想謂李太白池南近可

和聲檐廵謂杜子美祠在城南池求賢欲以贊實政此際無資若

輩人

南池舊詠

適纔太白試登樓咫尺南池可罷不一入門心生敬慕
碑亭因是

聖文留

康熙乙丑年建碑亭於此
恭勒皇祖閱河隄詩

幾株古樹護澄池池畔三間老杜祠便弗叩還應下拜
此人詩合是吾師

李杜由來伯仲行吾云旗鼓異相當應知學杜克念聖
學李防其罔念狂

謁分水

龍王廟

地脊原來南北分老人能識果超羣

分水人皆知為白衣老人之力而不

知分流濟運乃因地脊自然形勢人不能識老人特能識之耳

水村斯藉疏宣夥河復

何須議論紛

前歲韓鑠於戴村壩上建挑水壩三道挑溜南趨以洩水勢經工部侍郎德成奏駁

嗣何裕城復請於戴村壩改建牕座議論紛如因命大學士阿桂於豫省河工合龍後親自會勘據覆奏牕座

雖隨時啓閉但沙隨水入即使建牕後南旺歲修仍未可停況汶水由鹽河歸大清河入海年年開放鹽河是

否能容東平各處民田是否無礙均須逐一詳勘請俟東省運河堤壩各工告竣經歷汎水一而次後再行請

旨辦理所奏為慎重天下本無事如此修防起見因俞所請

明神賴有佑誠云御舟由是順流下登岸應抒瞻拜勤

降旨將明興等奏請捐廉歸還運道工程例外津

貼銀兩並准作正開銷詩以誌事

戶口日以滋物價自騰貴

國家承平百數十年戶口日滋順治初年民數一千六百

餘萬乾隆初年已增至一萬六千餘萬近年乃至二萬七千餘萬是戶口增至二十倍物價日昂理勢自然詳

見癸卯民數殺數詩是即保泰難可靳官帑費前年河北決堵口塞

宣引策籌備和雇與民價征役弗民逮

壬寅年因豫省青龍崗漫口屢

堵弗就議開引河經韓錄等請撥直隸山東夫役助工朕以鄰省助夫非便屢經降旨訓諭停止並令緩至次

欽定四庫全書

卷九

卷九

年桃汛完工隨命大學士阿桂前往督辦和
雇本省民夫如期藏事詳見壬寅年助夫詩然而奏銷

時部原有成例增價例應駁乃有捐廉議

堵築漫工及

中原有一定成例前豫省漫工奏銷時據該撫李世傑
奏請酌增夫料價值銀兩分年攤征朕以為數甚多民

力不無拮据特降恩旨將應行攤征銀九百四十五萬
餘兩及上次攤征未完銀九十四萬餘兩普行豁免茲

河復之後修理東省運道各工據明興等奏有例價不
敷如用津貼銀五十三萬餘兩請分年捐廉歸款以免

按例攤
征等語

吾豈肯為斯普許官銷賜河復修運道較前本

一事茲勘所築功堅整如鱗比田廬實可衛議叙酬勤

勩
山東運河隄岸各工御舟經過時見其一律完整辦
理妥速因降旨將蘭第錫何裕城明興及江省預籌

宣洩漫水去路之陸載李奉翰等交部議叙並令該督撫等查明在事出力人員一體從優議叙以勵勤勞

必有所增價亦準官銷暨

東省運道工程例價不敷銀兩若按例攤徵固恐民力不

給即捐廉亦慮辦公竭蹶因降旨加恩准其一但弗勞體作正開銷以示體恤臣工惠愛黎元之至意

萬民忍更苦羣吏一二資飯食雖有非大弊

河工官役領帑辦工

藉沾餘潤以資飯食在所不免但非有侵蝕大弊姑置勿問亦不為己甚之意也

聚斂及盜臣

傳語吾猶記

登光嶽樓卽事四疊舊作韻

九點烟中齊一區大圓鏡裏漫分隅觀風遂以停艫舫

問景權教履陌衢拾級登來霄漢接憑窓望處近遙鋪

載將通誌殷勤考光嶽誠斯望嶽無

一統志以望嶽樓在聊城東北今名

光嶽樓而東昌府志又稱城東北隅別有望嶽樓茲巡

蹕屢經則光嶽樓在東昌府城中而望嶽樓今實無之

紀載之不足徵信已詳見乙酉庚子詩并注

嶽光原在望中區何必魚思東北隅

舊望嶽樓云在城東北隅也漫

憶吳閭饒水郭奚妨齊野歷烟衢以予視本同庭戶嬾

彼爭為盛設鋪四疊欣成十全什合因閣筆復賡無

無為觀三疊舊作韻

佛寺道家宮

是處為道觀

胥應致敬崇謁

神匪為

去聲

獨求雨總因公

東省自閏春得雨後大田雖種今復望雨

呵護問

閻晏敷宣

天地功那忘甲午歲賊燹劇哀鴻

甲午秋壽張逆匪王倫以邪教倡亂佔踞

舊城寺廟民居多被殘毀此觀亦重經修整者

即事

江寧旋蹕時北省胥報雨

江寧旋蹕時據留京王大臣及直隸山東河南各督撫俱

奏報閏三月初四五等日得雨山西陝西尤為沾足各省大田均已栽種惟衛輝大名兩府未蒙普被渥澤

山陝為尤渥其餘種亦普惟衛輝大名澤偏靳二府麥
固已失收僅得耩禾黍及渡河而北晴久風堀土齊境
過將畢所歷千里許一例為去聲望霖雲興風輒阻可憐

新茁苗欲萎待膏苦直省及京畿亦未報佳霽叶縑彼

借種

上聲

民

北省

自閏月初旬後至今月餘未雨望澤殊

切而衛輝大名尤甚昨經傳諭何裕城令其

借給籽種茲據奏現委道府大員散給並分廠煮賑俾

資養贍因諭令核實迅速妥辦並諭劉莪明興將應行

撫卹事宜一體速

籌查辦毋致失所

恫瘝念厥楚

河間道中作

河間道中作

春初此南巡為之望雪愁夏孟斯北旋復因希雨憂其

間雖霈澤

閏三月初四五等日近畿得雨頗足是以大田得普種齊全但至今晴又逾月待澤復殷

又隔月餘修禾黍縱吐苗薅麥固失收稚秧迫待潤遍

隴青垂頭邇日纔生雲狂風吹以流西北陰勢重深冀

佳霽優無過霑二寸

邇日西北雲濃清早甚涼茲據劉莪胡季堂虞鳴球等奏十三日申

刻新城縣得雨三寸涿州通州武清順義昌平州等處得雨二寸雖未霑足究亦

天澤但此處不成分寸

仍為憂之較此勝一籌何當普甘霖遠近胥蒙庥調幕信無

能觀民惟含羞

題瀛州南樓

瀛州誰復認南樓
荆有佳期詩句留
可識卽今問景者
無過佳話付千秋

喜雨

四月十八日

自我渡河後望雲愁日深誰期近趙北

是日駐思賢村明當至趙北口

五寸沐甘霖起槁還蘇秀滌眸真慰心
豫齊徐被否自午

至申得雨五寸勢甚綿密且四望雲氣廣遠山東河南江蘇等省或同被甘膏因降旨馳詢該督撫令其迅速

覆奏馳驛問佳音

復雨

前朝思賢村佳霽霑五寸今日過趙北廿里土乾坊問
以前朝澤稱滋一寸僅為之復增愁傍晚雲生迅作解
殷雷聲傾盆落雨陣急命劇土看四寸已逮潤勢自直
北來亟盼京畿信

南巡迴蹕至御園之作

六度南巡于邁勤一心惟是為民殷雨雖繼雨仍希望
自閏三月初四五日常得透雨後復於四月十八二十一
等日連得雨澤蹕途所見禾苗漸次長發但究未透足

欽定四庫全書

御製詩五集

卷九

尚殷顯
望耳

孫又生孫亦喜欣日月居諸誠過隙園庭莅止

迓南薰載咨兒輩其聰聽毋易言遊視記文

今歲六巡
江浙攜諸

皇子侍行俾視朕躬之克己無欲以及扈從之奉法官吏之奉公民人之親近有不如是未可言南巡而總不

出敬

天明理兩端

詳見昨所製南巡記

即事

即事無忻言望霖日以苦自入直隸境兩次逢霽雨

昨

八日駐思賢村得雨五寸二
十日駐紫泉行館得雨四寸

不過由旬

四十里
出梵典

間漸乾

霑寸許京畿與之同雲作風每阻爾日東省報甘膏透

以普

明興奏東省於十八日甘霖大霈同日報到得雨三四五寸者五十九州縣二十日雨勢更廣各屬

報得雨五六七寸者已五十三州縣其餘亦一律普霑大田頃覺改觀又蘭第錫奏得雨情形相同並稱南旺

汶河亦長水六寸糧運順利等語景州及河間亦稱一犂覩又據劉我奏河間等

處亦於十八日得雨四五寸不等是則雨避我我過諉誰所奏章批慰

覽益切慚而憮

夜雨

四月二十六日

兩日陰雲未放暘或零或歇轉傍徨間聲時為霽心猶

盼入夜斯今聽乃長七寸土霑真浸潤五更勢止亟悠

揚南來頻遮沐

恩信

近日劉義明興蘭第錫李奉翰薩載等陸續奏報四月十八二十等日先後得雨自四五十至

深透不等弗敢曰欣敬弗遑

賦得心如止水

得澄字八韻
散館題

朱子答何叔云如止水曾弗波雖曰美無滓要於澄明

體銘江總鑒形擬魏徵操存傳

去聲

斯述精一典先稱漫

道隨流好當思有定應惟清由物照不舍異川憑守此

惺惺者方其澹澹能心君泰然處允執福黎蒸

雨後池上居

年年池上有新詩七字恒因紀歲時欲簡吟篇弗可闕

向年每於夏月間憇此今歲南巡所詠頗多因欲簡偶詠而此池上即景紀時之作仍不可闕故復成什

憑暇牖覺相宜樹離塵處心同洗石戴露邊意與滋憂
喜由來箇中慣碧波翻影付無知

題文源閣疊去歲詩韻

六度南巡慶典行歸來高閣弄書成儒臣劾愆勤如約

辛丑歲第一分四庫全書告成貯文淵閣後館臣等請勒限三年趕辦全竣嗣於壬寅年第二分盛京文淵閣

欽定四庫全書

御製詩五集
卷九

書成癸卯年第三分文源閣書成現在裝潢陳設
其第四分熟河文津閣之書亦可於今冬全完 文教

數宣事匪輕歷歲十餘工不易

自癸巳春開館至
今甲辰凡十二年

返躬

枕肱愧猶并茲三萬六千冊內一語為君難最精

古希詞

古希天子古希詞幻以為欣幻以悲十七男惟剩斯五
好速配早賦其離釋迦曾是說無法尼父則嘗云未知
歸政猶需浹旬歲即今敢懈日孜孜

信天主人自箴

開惑昔年著論曾信

天爰以主人稱翼以西師功成曾著開惑論仿四子講

問答而以信天謂危反用成安屢逮失還資為得仍二

惑集括開義事定不堪回首憶途長惟益勵心兢速歸政尚

前途猶信

天

天眷古稀有

余御極四十九年無日以敬

強逢吉實從古帝王所希有惟思日孜顧我何修遇此

致益深乾惕以冀永過

天庥耳

能

賦得從善如登

得登字八韻
朝考題

性善人人具率之或鮮能易原擬芥拾艱乃喻山登克
已斯無欲布公方有憑如金資作礪若木在從繩違順
千里應去聲休嘉百世承恢恢宏厥宇歷歷造其層詎可
因難止當厓廣益應坤初明示積餘慶永禧膺

西直門外

夏曉弗炎且薄寒被霖足識衰而寬麥雖失望黍禾茂

一雨郊原頓改觀

大祀掄元胥正務還宮有事在躬親倚虹堂憇長河畔
周閱前題略愴神

夏至齊居

廣殿本無暑今年覺有涼自因雨澤足恰值夏朝長引

見不嫌夥答批偏喜忙甘蘭滅小醜

昨據李侍充奏回
匪田五阿渾等復

借新教名色糾約夥黨於四月十五日起事攻破西安
土堡提督剛塔帶兵往捕殺賊甚多并親射斃賊目一
人茲復據李侍充奏官兵於二十三、四等日兩次打仗
殺賊頭人田介洪吳二韓二賊匪首犯田五腹中鎗傷

在馬營水自刎身死餘賊八九十人奔竄弗慶祇慙惶
現已添派官兵上緊追趕不日即可蕩事

夏至

北郊禮成述事

一月前增懼虞如舊歲為

昨歲癸卯夏至前因氣滯舊患適作恐升降儀節有愆因

即於御園齋戒遣皇六子恭代行禮

方壇幸禮歲仰慕慰心期三獻昭虔事八成協樂儀更
希

錫康健躬祀永無虧

自昨歲調理復元後今歲郊恭承大祀仰蒙

鴻佑

康強如昔惟期歸政以前
禮歲歲躬親將事用酬

景
既耳
郊壇典

夜雨

四月初五日

北郊敬以禮成歸

母事忱紓一歲違

承去歲以微疴未能躬詣
祀深切慚悚

傍晚何期陣

雲佈入宵遂致沃霖霏十朝恰遇時無舛五寸欣霑澤

弗微駢疊蒙

床何用答愛民惟益勅惟幾

啟蹕幸避暑山莊之作

微雨晨曦散薄陰
擬良又值啟鑾吟
行春甫自南邦返
避暑仍茲北塞臨
昨歲與乘今歲馬
老年躬勵少年心

向年每幸熱河率乘馬啟行
昨歲因微疴未獲親詣
北郊啟蹕時亦遂乘輿
今歲體氣安健方澤禮

成後諏吉啟鑾策騎出大東門
從容控御不減少壯仰
蒙純佑錫福康強惟益勵
初心敬承家法俾

萬年恪守
兒孫試聽殷勤語莫忘

家風此意深

石槽行宮對雨

傍晚族雲生西郊
雷鼓鳴先聲纔筑
拾繼陣遂盈傾樹

杪塵全滌壻凹水漸盈悠揚徐入夜真是利農耕

曉行

夜雨晨開霽曉行欣與涼泥輕緣弗驟

驟雨則溽甚昨陣雨後即悠颺

入夜半夜而止未致艱行旅也

途潤豈妨長旅衆怨非致農人喜未央

用東坡詩意

密雲午前駐露樹藹烟光

出古北口有懷

前朝霽雨傍山行迤北今看溝澮盈潦甫退川漲痕在
日方升嶺曉涼迎黍禾鋪野綠雲潤埤垵連峯古畫橫

速守斯為守已失嘗謂設險守國固恒理然失其道以致守闕或守城其為失已過半矣可不懼乎萬年不盡保基情

口外

口外氣寒耕種遲三月之雨正及期佈種上聲已後頻獲

澤土脈較南實潤滋以此禾黍爭怒長或出甕語猶然
疑茲來歷覽綠雲尉與與翼翼高下披外藩路傍來覲
謁都稱田美希豐綏江南塞北方寸內普為祈年暘雨
時所願多斯所愁廣不疲樂此吾奚辭

至避暑山莊即事書懷

嶺度廣仁曉旭殷宮臨避暑故雲闕幾經絕域策者定

乙亥年平定準噶爾已卯年平定回部及丙申適值潢
年平定金川籌畫軍務多在山莊駐蹕屢有詩

池逞翰碩

今年五月啟蹕來熱河適李侍堯等奏新教
逆回田五等糾衆滋擾田五及賊目田介洪

吳二韓二等均已就殲餘黨李鬍子馬鬍子復勾結餘
黨竄入馬家堡屢經傳諭該督等嚴防後路庶免賊人

乘間

竄逸兵垣徒稱因阻雨賊逃預計竟翻山

昨據剛塔奏
餘賊竄據馬

家堡後因該處大雨軍裝火器湖濕山路陡滑難行現
等卡謹守候天晴設法辦理朕彼時即以賊人困守空

山當防其從山後逸出屢經嚴諭防守後路并諭李侍
堯親往督同搜勦詎五月十三日據李侍堯剛塔先後

奏到初五日差弁探得馬家堡內惟見空營虛設棍棒
叉靶賊匪乘夜從轍家梁翻山遁去等語果不出前所
料因傳旨嚴行申飭令其戴罪立功迅速
追拏將賊黨盡數擒獲毋使一名漏網
豫遊肯此疎

幾務籌筆忙仍宵旰間

永佑寺瞻禮

本是受

恩地來斯倍憶

恩覲揚夫何有

光烈那能言田美雨頻潤晝長夏弗暄床承

祖

考蔭孫又抱元孫

直隸總督劉綏奏報大名府等處得雨詩以誌慰

畿輔四五月之間率皆得雨種植徧惟是大名尚稽澤

免糧借種

上聲

籌宵旰

直隸

各府屬

春夏間

俱得有雨

澤

春雨愆期昨曾降旨將所屬之大名南樂清豐東明開州長垣元城七州縣乾隆四十八年分未完民欠全行

豁免復借給口糧

籽種以資接濟 人力究弗如

天恩茲乃報稱霽膏渙高處五寸低處透晚穀興犂趨

田畔以手加額為之慰既慰又因河北縫接境此霖可

同霑驛問喜牘期即見

茲據劉我奏大名元城等縣於五月十一日自丑至巳得雨五

寸小暑前得此深透涯澤出土之苗青蔥長發晚穀晚

豆得及時趕種等語因念河南衛輝等處境壤毗連降

旨馳問是否同日普

霑之處迅速覆奏

題文津閣

儒臣繼晷以焚膏十載功成亶厥勞

自癸巳春開館輯四庫全書至辛丑

第一部告成貯文淵閣壬寅第二部書成貯盛京之文

溯閣癸卯第三部書成貯御園之文源閣其第四部書

弄此文津者現在陸續按
裝限六年剛及半

全書第一部告成時

日進呈計歲內亦可全完

館臣奏限六年可全完茲
壬寅至甲辰纔及三年耳
書羅四庫度之高今冬明夏

居諸速

以今冬裝潢全完於明夏
臨山莊之前可畢度書架

昨史枕經情性陶舉

事晚年竟全歲

癸巳年始命輯四庫全書茲事體大物
博彼時舉行尚畧嫌遲故甲午聯句有

逢會畧嫌遲歲月就將惟疊願觀成之句
今甲辰甫逾十年指期告歲實深慶幸也

天庥錫慶幸深叨

千尺雪二首

醞渠引水學江南今歲江南景畧探名實相同胥幻爾
笑予猶此事虛談

六花非白却微黃
知自源頭沙挾長
過日炎風近小暑
藉斯渠濬洗心涼

招涼榭

過日暑劇歎思量
合招涼招涼原有榭
其實無別方
喬樹既蒨蔚西峯陰
致長坐可却鬱蒸
心清暑自降
膏雨又逾旬為霖
諒不妨西南午生
雲滌炎霽其滂

驟雨

五月十七日

西南聞殷雷
倏忽密雲布
輕點開舟行
急陣中流遇上

下接霽霈縱橫恣布獲決旬晴釀炎滌暑欣快霽僕人
雖濕衣行賞例有素

雨中觀瀑

借助雄霖欲澌舒千峯萬壑總相如
擬擬振鷺解相謂
少待晴時觀厥餘

永恬居

霽霖易為霽山徑濶無嫌幾曲過
畧約數間見迥檐軍

書正勤閱

自到山莊籌勦甘省逆回雖首犯田五等已
就殲戮餘黨復行勾結該督李侍堯提督剛

塔未能迅速撲滅因先後遣大學士阿桂尚書福康安
領侍衛內大臣海蘭察等率領侍衛並帶健銳火器營
勁旅前往進剿以期迅奏膚功
因軍書旁午是以吟咏稍簡云
勦黔黎居永恬

素尚齋

素尚以何名茂林峻嶺清几無俗物置架有古經橫到
則澄塵念仰惟緬

聖情

訓貽在恭儉渠為去聲豫遊行

山東巡撫明興奏報普得雨澤詩以誌慰

前遭陣霽雖間

去聲

得此番

去聲

優霖實普霑

前據明興奏

報東省於四

月廿九三十日得雨尚非普霑茲復據奏省城五月初十至十一日陰雨連綿入土十分深透隨據濟南等十

府濟寧臨清兩州各稟報五月初八九十一一二等日

各得雨三四五六寸至七八寸不等不特先種大田欣

欣向榮即麥後播藝者亦即

時長發農民無不欣慶等語

祇忖衛

輝

彰

德

久憂旱渥

恩被否切遙占

繼霖

五月十九日

過雨剛兩日繼霖遂盈尺正合六月節

是日

小暑

時行

佈優澤北省率已遍秋收希有獲衛彰信未至

豫省衛輝彰德

等處是否一律普霑昨傳諭馳詢何裕城尚未據覆奏

仍為心不懌

題澄觀齋

於物斯為觀於心斯為澄失澄致觀放而觀藉澄寧內外交相資要惟順善能

奎文曰惠迪

是齋內有祖扁曰惠迪吉

皇百世垂明徵

翠雲巖

壁立嵒峯幾百尋傑池灌木佈濃陰陰為雲致人胥曉

益以翠斯致更深

去歲望霖翠覺遲

昨歲山莊得雨較遲有今歲口外雨霑遲昨近方欣霽需施之句不及今

時雨足滿目青蔥也

今年雨足翠全披渠寧對景生欣慰多稼如

雲普賴斯

西峪

山莊駐十日西峪陟今朝過雨風含爽迎涼路不遙繞
逾碧峰寺遂造紫雲寮自有妙堪會原無暑可消

題有真意軒

湖上曰無盡

萬壽山清漪園軒名

山中額有真意非無即有軒異

主和賓率可窺深造居然契謚神邇來心緒懶

邇來以李侍充

剛塔等辦理甘省逆回未能迅速擒捕因先後遣大學士阿桂尚書福康安帶領侍衛京兵前往剿除故昨有軍書正勤閱詩句懶頻拈之句題句不教頻

對畫亭

朝靄夕嵐無定形巖枝磴葉有餘青笑他倪范格猶泥
去饒我山林筆具靈

秀起堂

雲標西峪玉堂懸到此棲遲合暫延不覺光陰又逾歲

且欣山水洽高年事雖繁矣心原靜

通日因籌勦甘省逆回及喀什噶爾

擒捕阿其睦之事批荅章奏頒發諭旨事務較常多至數倍然物來順應澄懷原自如也

目自遊而

意弗牽一雨千林都秀起無為造物有為權

駐喀什噶爾副都統保成奏擒獲在逃之布魯特

燕起信至詩以誌事

布魯特亦回羈縻原化外雖有授官職無過榮冠帶

布魯

特亦回部別族然不似喀什噶爾葉爾羌之回民供賦役也前因將軍兆忠搜勦逆回小和卓道經其界其酋

長岡魯起拜等遮道陳請稱臣內屬並遣大首領詣
闕朝覲因有授職賜之冠帶者詳見戊寅年紀事詩有

阿其睦者効力原稱最其弟通薩字一呼薩布魯特散

其睦於乙酉年烏什之變曾經出力茲因從前伏誅叛
回大和卓布喇哈尼敦之子薩木薩克潛在喀什噶爾
迤外之色點爾半地方遣回人托克托素丕與阿其睦
之弟額穆爾私通信息潛留勾結經喀什噶爾伯克鄂
斯滿訪聞舉發乃阿其睦偏袒其弟即向綽克託
保成處誣告鄂斯滿亦與薩木薩克有通信之事庇弟

為誣賴保成發其事命執不可貸其子燕起逃逐者反

被害阿其睦又與英吉沙爾之伯克阿禮木同謀陷害
誣告鄂斯滿阿禮木亦潛通薩木薩克者經保成

審出實情具奏時止南巡迴蹕朕以若不將阿其睦等
擒治不久必生事端當即降旨令將阿其睦等解京治

黑阿其睦既執之後其子燕起疑懼潛逃復將保成
鄂斯滿所遣追捕之回子伯克等戕害竄逸保成

懼事滋調兵衛邊界

保成以燕起拒捕逃竄恐致滋事復調烏什等處官兵數千欲帶兵

前往追剿並護衛邊界未免涉於張皇矣

公豈跳以去未可張而大設使大

兵臨布魯羣驚駭

叶

更不成事體亟命反軍旆惟令檄

別部遮執乘機會茲別部之比

布魯特之頭人謂之比如回人之伯克

名

葉爾鐵拜率領三千兵遮執報一介

燕起一人逃竄竄不足調兵擒拏致

布魯特等驚疑詎綽克托開保成調兵之信不惟輕重輒檄調伊犁烏魯木齊等處官兵輕舉妄動更為謬妄

因即降旨令其速行停止調兵止須檄令別部乘機截拏茲果據保成奏到額特格訥部落之布魯特葉爾鐵

拜等同伊兄弟三人派部下布魯特三千餘名遵奉檄飭追捕燕起及伊家屬人等全行緝獲等語外域

抒誠薰重賞寧新資此事鄂斯滿感激朕恩一聞薩木薩克與回衆潛通音信即首先報

知保成隨同查辦始終奮勉可嘉因加恩晉封貝子以

示獎勵至此次拏獲燕起之葉爾鐵拜兄弟三人遵檄

追捕亦能奮勇出力因降旨賞給葉爾鐵拜二品散秩

大臣職銜予戴花翎并賞元寶五伊兄弟阿爾體拜沙

米爾紫各賞三品頂帶花翎并各賞元寶四其緝拏燕

起之沙巴克賞給緞疋俟有應陞伯克缺出奏請陞用

其協緝之博什輝等命保成等查明現在職任各子陞

一級並其餘出力之布魯特等各分賞元寶有差所有

從前保成張大其事數月所籌畫自南巡舟中返蹕至今居山莊凡三月無

之議處均予寬免

日不以此一旦底績快國威萬里宣持盈益悚戒

事籌畫也

河南巡撫何裕城奏衛輝府四縣開封府一縣尚

未霑透詩以誌事

衛輝早識未霑膏更報開封一縣遭

今歲河南衛輝彰德懷慶及開封府

屬各州縣有缺雨之處屢經馳諭何裕城查明據實奏覆茲據奏稱彰衛懷三府及開封所屬缺雨者共十六縣自四五月連得透雨後晚秋種齊長發者十一縣惟衛輝府屬之汲縣新鄉封邱獲嘉及開封府屬之陳留共五縣得雨僅止一二寸或不成分寸現在仍率屬祈禱等語雖止旱乾纔五縣可憐

黎庶受千勞向隅忍使轉溝壑施澤須教免徙逃

汲縣新鄉

封邱獲嘉陳留五縣若俟成災後賑卹恐窮黎或致失所因即傳諭何裕城將該五縣被旱災區分別賑卹若

續得雨澤其未種地畝酌給籽種口糧
以資接濟補種一面辦理一面奏聞

咨爾母徒事祈

禱俾宣實惠勅諸曹

陣雨

六月朔日

季夏月之朔占農有常語設使終日晴雨短致乾土若
其雨弗晴將潦田更苦今朝值快霽申刻山雲吐作解
纔片時雲散青天靚額手符農占庶幾登禾黍

廣安寺

一帶北山多梵寺田情設教衆藩歡

廣安寺與羅漢堂殊像寺俱在北山

一帶梵宇駢羅諸寺之建本以平定伊犁宣揚
黃教今新舊衆蒙古等瞻仰皈依各生歡喜 伊犁闢

土久孳戶

自平定伊犁後屯田種地疆土日闢戶口日
孳物產饒裕為西陲一大都會額魯特等游

牧耕種安居樂業
已二十餘年矣

布魯獻逃新授官

昨布魯特阿其睦
因與薩木薩克私

通信息經喀什噶爾伯克鄂斯滿舉發事覺擒捕解京
治罪其子燕起疑懼潛逃有額特格訥部落之布魯特
葉爾鐵拜等兄弟三人奉檄帶兵追捕將燕起家屬人
等全行緝獲各布魯特人衆均獲安寧因加恩晉封鄂
斯滿貝子葉爾鐵拜賞給二品散秩大臣兄弟等各陞
賞有差詳見誌事詩註

慧草露滋三秀

潤禪枝風颺萬林橫無端邪逆猖獗種

甘省逆回田五等
倡興邪教肆逆

擒劫雖首犯就殲而餘黨於隆德靜寧伏羌及鹿鹿山
石峰堡等處糾結滋擾昨據五位等奏於伏羌城外殺

賊三百餘名又傳王奏於鹿鹿山殺賊六七十名並各捕獲生口馬匹器械而餘賊尚須痛行剿洗已傳諭福康安與海蘭察率巴圖魯侍衛等帶領該處官兵從隆德靜寧一帶先行痛剿因以次殲滅石峰堡伏羌等處之賊刻下所調各路大兵雲集大學士阿桂所帶京兵亦尅日會合惟期一舉成功掃除淨盡俾吾民早獲安枕耳

勦滅期惟民廣安

題宜照齋

招提聊散慮御苑薄言旋步輦詰蹊陟巖齋勝趣延軍

書正坐至古帙懶精研心照宜何處靜寧隆德邊

甘省逆回

餘黨於靜寧隆德石峰堡等處糾衆滋擾此時勦捕機宜當先痛洗靜寧隆德之賊因以次搃石峯堡賊巢然

後再清鹿鹿山伏羌之餘孽則後路肅清而賊勢自覺
昨已馳諭福康安次第辦理今日伊奏到摺內亦請先
勦靜寧隆德諸賊而於石峯堡賊巢未據籌及接辦因
復詳悉傳諭令其遵照前旨依次進兵勦洗庶俾勢如
破竹迅速奏功也

就松堂

築室本就松室乃因松古室固無動移松長

上聲

陰鋪普

却似來就室籠檐更縈戶據床欲致問誰賓復誰主室
就松就乎吾亦難著語

敬晴齋

往年啟晴齋率以雨後至時行緣愁霖喜值天開霽今
年啟晴齋偶來與向異雖雨弗致霖潤暄協農利設使
三庚中恒此時若賜秋收庶可期虔頌祝如意

過谷至含青齋有詠

陟降沿谷路山齋喜不遙青還縈疊嶂含乃以虛察自
有興堪引原無暑可消都緣時雨渥與物潤心苗

挹秀書屋

雙文題額稱

去聲

研磨詎在罨窓萬景羅幾帙芸篇雖不

語似云秀固箇中多

松霞室

不是天台赤亦豈豪林紫青霞十八公恒在山莊裏太古以來有拈出自我始菁蔥付弗知謾濤其間起

題陳書長松圖

三百年松拏古枝

見陳書自識語

寫形女史壁間披若論窓外

真松古

甲申題是圖詩有真松窓外綠
參天兩翁不識誰兄弟之句

相對還應弟視

之

末句反甲
申詩意

題煙雨樓

象寫駕湖景，宜嘉饒。他俯檻看荷花，設如煙雨中。方至

著相

內典

徇名

儒書

兩落差

老樹綠雲疑作雨，平湖碧靄欲生煙。分明橋李暮春況，
遊目渾如一瞥然。

對山齋

高樓肖煙雨

謂在嘉興者

傑峙塞湖中，四面原多映。一峰此

自崇新林已茂，蔚古石更龍從。上有翼亭在，因歐溯智。

公

翼亭

一笠飄飄據嶠巔飛而無翼自高竊設如絜矩孔融語
我亦心中覺惘然

青楊書屋

青楊千萬年此島之舊物

是處賜名青蓮島

皇祖

就樹構書屋

綠雲覆蔥鬱於斯讀古書典謨篇展拂樹自隱然笑循
蜚早閱訖

雨

六月初九日

剛覺山田土畧乾
族雲空宇忽叢攢
徐飛暴灑遂間去
作急管繁絃欲擬
難簷已落泉勝觀
瀑墀旋聚潦訝生
瀾既霑卓午朗開
霽林下猶垂露點
溥

晚晴落照

時行那免雨既雨
最宜晴今年幸若
此額手慶慰生然
予有所思慶慰隣
滿盈憬乎其可哉
輦謙勵屏營況日
盼捷音西望心常
怵夕陽照高樹爛
爛復晶晶佳景合

付誰鶴刷與鹿鳴

荷二首

照影偏宜塞水清
春光六月正芳榮
迴頭似語去聲湯山

者

湯山荷花每於五月初即放

速就何如斯晚成

一開旋引百花開

今年山莊荷開稍遲蓋緣春雨略短草生遲鹿皆入水啣其葉耳

錦

繡荷衣稱

去聲

體裁君子而非內地輩移根原自教漢

平聲

來

山莊內長虹飲練橋南種數漢荷花萬枝教漢荷花色鮮辦大勝於內地所產見皇祖御製避暑山

莊三十六

景詩記

瑩心堂有會

水芳既開齊水堂堪攬勝檐額垂

聖藻兩言取心瑩外喻蓋於玉內朗原惟鏡毛氏訓美

石揚子詮性命

見太元經

性命會於心吾謂揚說正況乎出

治人方寸齊庶政斯可不明乎明之在主敬

遊獅子園

曉涼步輦出山園

邸第躍龍一討源露氣灑灑滋草木風光凱凱敞庭軒

展書徒復愴存澤聞禮何曾造得門迴憶初來方六歲
古稀茲忽抱元孫

樂山書院

書院對碧山樂山因

錫名

扁額乃

皇祖御筆書賜也

雖取論語意仰窺或異

情儒者樂在已王者樂在氓仁量殊小大

垂訓永以精

草房

山房

昔以草名之

國中山房一區
皇考昔以草房額之

綴景惟

期情性怡可識而今稱御苑唐堯原不異茅茨

妙高堂

堂額麗

天文仰緬

當年賜雖舉浮玉名

金山一名浮玉
上有妙高臺

實

示大寶意

謂張蘊古
大寶箴

高乃處衆上妙超无妄義即景堪

會心詎惟求樂志於斯一登臨怵然懷守器

題靜含太古山房

西峪最勝處曰兩如二酉其一秀起堂高朗據崇阜其

一此山房幽竇藏谷藪因名含太古以稱去聲實而取繹

思太古來斯景原斯有山房忽含之母乃類享帚山自

古於房而房今始構叶合撰歸一靜量物隨所受人心

小天地是義可同否

食蔗居

盤徑下崇椒與曲復有屋東升為谷末故以食蔗目西
降乃途中亦可憩遊足三間據山腰所喜幽而樸斯之
為最佳饌飫味清淑

小許菴

曼轉山廊屨步徐繩牀斐几試憑諸書菴莫謂纔小許
萬壑千巖納有餘

御製詩五集卷九

會心詎惟求樂志於斯一登臨怵然懷守器

題靜含太古山房

西峪最勝處曰兩如二酉其一秀起堂高朗據崇阜其

一此山房幽竇藏谷藪因名含太古以稱去聲實而取繹

思太古來斯景原斯有山房忽含之母乃類享帚山自

古於房而房今始構叶合撰歸一靜量物隨所受人心

小天地是義可同否

食蔗居

盤徑下崇椒與曲復有屋東升為谷末故以食蔗目西
降乃塗中亦可憩遊足三間據山腰所喜幽而樸斯之
為最佳饗飲味清淑

小許菴

曼轉山廊櫟步徐繩牀
斐几試憑諸書菴莫謂纔小許
萬壑千巖納有餘

御製詩五集卷九